



CLARISSIMO AC NOBILISSIMO VIRO D. HENRICO MEMMIO

DN. D'YRVAL, IN VTROQUE REGIS SECRETIORI CONSISTORIO CONSILIARIO, LVETIÆ CIVILIVM

CAVSARVM PROPÆTORI VIGILANTISSIMO.

P. DE BEAVRAINS, S.

QUAM tot sustineas & tanta negotia solus (PROPÆTOR ÆQVIVISSE) in publica commoda peccem: Si coram Medice artis proceribus de salubritate Urbis totius Europæ cultissimæ, & populosissimæ (in cuius politia Princeps existis, cum in eius naui clauum teneas) pramoduloreponas: tibi Parisensium splendori clarissimo ac veluti Deo tutelari has Theses medicas non consecrem. Decet equidem nos rerum communium, ut priuatarum curam gerere, sed in primis ut nos pariter ad iudicium sit æquum. Tantâ etiam animi dexteritate omnia temperare moribusque ornare cepisti, ut omnes priuatim publicèque profiteantur, te non solum conferuandæ Memmiorum eminentissimæ gloriæ causâ, sed etiam amplificandæ, cœlitus Lutetiæ donatum. Quis ergo tam prouidum ciuium Moderatorem, tantum Musarum patronum, sibi non exoptaret? Quis exoptatum, occasione datâ, non quereretur? Vnum à te petimus ut in Apollineâ arenâ decertantibus tanquam fides beneuolam nobis illucere velis, donec aut pace compositâ bellum dissoluimus, aut colluctantes validiusculis rationum machinis denicerimus. Vale.

Q V A E S T I O M E D I C A

CARDINALITIIS DISPUTATIONIBVS MANE DISCVTIENDA IN

SCHOLIS MEDICORVM, DIE IOVIS IIII. IVNII, M. RENATO CHARTERIO DOCTORE, CONSILIARIO ET MEDICO REGIO, MODERATORE PRVDENTISSIMO.

An pars Lutetiæ Australis Septentrionalis, Occidentalis Orientali salubrior?

REGIO, ciuitas, domus, aëris, aquarum, & terræ salubritate donata, habitanda. Regiones temperatæ torridis & gelidis, torridæ gelidis; Orientales Occidentalibus; Americanæ Europæis; Asianæ Africanis præferendæ. Ciuitas in arido & sublimi erecta solo; Orientalibus & Borealibus perflata ventis; Orientis solis radio illustrata; grato astrorum aspectu fortunata; aquis optimis irrigata; ciuibus pulchrioribus; humanioribus; & longioris æui decorata: saluberrima.

AER purus, tenuis, lucidus, suavis odoris, perflatus, & temperatus optimus. Aëris præcipuus & præcipuus ventus est. Euris Gallicis optimus; Americanis pessimus. Zephyrus Gallis noxius; Americanis amicus. Aquæ fontanæ cisterninis, cisterninæ putealibus; puteales fluuiialibus; fluuiales stagnantibus omnium pessimis; coctæ incoctis & destillatis salubriores. Nix & glacies sitim accelerant, flagrantibus visceribus etiam hypochondriacis noxiæ.

AUSTRALIS pars Lutetiæ eaque occidentalis in sublimi sita loco, Borealibus ventis magis perflatur & expurgatur; Solis splendore recreatur; nullis cloacarum, paludum, cadauerumque inquinamentis inficitur. Illic aquæ puteales vernaculæ optimæ, maximè verò Franciscanæ, Becodianæ, D. Genouefæ, quæ febribus extinguendis epotæ profunt. Quæ puteales aquæ ad flumen vergunt deteriores, sed deterrima aqua fluuiialis Sequanæ calculis gignendis obnoxia.

SEPTENTRIONALIS Lutetiæ regio pestiferis cloacis, & graueolentibus aquæ-ductibus in hemicylum cingitur; cadauerofo Innocentium coemeterio (cuius fermentatâ putredine quamcelerrimè cadauera absumuntur) inquinatur; nullis aquis salubribus fruitur; puteales habet pessimis; quas verò aquas fontanas ex gypsea scaturigine per plumbos tubos decurrentes excipit, eæ prauæ & paralyticis affectibus procreandis opportunæ sunt; lutosâ viarum illuuiis, haud rectâ ad flumen, sed ad suburbia Austro exposta cunctanter labitur.

IN ANTE Austro corpora suis decidunt viribus. Flante Zephyro corpora maximè frigus sentiunt. Australes & Occidentales venti Lutetiam transmeantes, suis vapidis, crassis, & perniciosis flatibus, non modo totam ciuitatem inficiunt; verum etiam totius vniuersitatis, ciuitatis, vicinorumque suburbiorum saburram excipiunt, ultra Sequanam ad alias ciuitatis partes oppositas vespertinis & matutinis transuehant; hinc & exhalatâ ex cloacis, coemeterijs, & viarum purgamentis tetra anathymiâ, lethales morbi exoriuntur.

Ergo pars Lutetiæ Australis Septentrionalis, Occidentalis Orientali salubrior.

Asserebat Lutetiæ PETRVS de BEAVRAINS Parisinus, Anno R. S. 1615.

